

Wifilspurgergow.

Regio.
Nomina & unde deducta.
Situs.
Soli fertilitas.
Urbes.

Sequitur apud authorem *Pagus Aventicus*: vulgo *Wifilspurgergow*. Nomen habet ab Opido *Wifilspurg*, quod olim tempore Iulii Cælariis Helvetiorum Caput erat, & *Aventicum* dicebatur. Regio comprehensa est intra Sabaudia Limites, etiam si pareat Bernatibus & Friburgensibus, sicut & terra ex opposito & ultra Lacum Biensem, sive Neoburgensem sita. Satis ferax est Vini & Frumenti. Ceterum in hac Tabula totus fere *Bernatum pagus* continetur, & *Friburgi*. Prioris Vrbs primaria *Berna*. Hæc si annos numeres non admodum vetus est, si situm & cultum, si mores & civilitatem, si leges & instituta, si potentiam ac virtutem respicias, nulli Vrbium cedit. De cuius constructione sic legimus. *Berchtoldius Zeringia* Dux i v hujus nominis, construxit suo tempore duo *Friburga*, id est libera *Castella*, unum scilicet in *Brisgoia*, & alterum in *Vchtlandia*. Et quo sui subditi, firmorem & tutiorem in *Vchtlandia* haberent mansionem, deliberavit aliam exstruere Civitatem juxta arcem suam, quæ *Nideck* appellabatur, in Peninsula quæ *Saccus* vocabatur, quam tunc Silva quericina occupabat. Quodam autem tempore quum idem Berchtoldus venationi intenderet dicebat suis: Civitatem quam in hoc oportuno loco condere deliberavimus, nominari volumus vocabulo bestiæ, quæ nobis primum occurrerit captaque fuerit. Ceperunt autem Vrbum, quæ Germani *Bern* vocant. Cumque eo loco, ut diximus, plurimæ crescent *Quercus*, quo Civitas erat condenda, omnes fere arbores illæ pro domorū structura insimta fuere. Vnde & operarii vulgo dicebant quum resecarent arbores: *Holz laß dich hauwen gern: die Statt muß heissen Bern: i. Arborēs sinite ui secemini liberiter: Quoniā Civitas ista vocabitur Bern*. Est autem hujus Civitatis Situs veluti in Peninsula, quam facit *Arola* fluvius navigabilis. Nam ad Meridiem Vrbis fluit amnis ille in demissio loco ab Occasu in Ortum, ac tunc reflexus petit Occasum ad jaustum bombardæ, quanta scilicet est longitudo Civitatis, sive Amnis est Civitati loco fossæ aqua inundantis, nisi quod ab Occasu ad jaustum balista fundus Civitatis cohæret continent, qui Isthmus si perfoderetur haberet Berna formam Insulæ. Est autem a Meridie & a Septentrione valde profundus prospectus in subjectam decurrente aqua; ab Ortu lenis est ascensus in summitatem Civitatis. Adjacens solum omnium retum est ferax, præterquam Vini, quod haud procul Bernates ex sua terra petunt optimum. Crescit etiam ab uno latere civitatis Vinum, sed neque celebre neq; multum. Ceterum Berchtoldus i v hujus Vrbis conditor obiit, antequam civitati colophonem imponeret, ejus operis consummatione relinquens Filio Berchtoldo v, & ultimo Duci *Zeringensi*. Hic ex uxore filia Comitis de *Kiburg* duos Filios genuit, quos Nobiles regionis veneno extingui curaverunt, ob id potissimum quod arbitrabantur Berchtoldū opidio & æmulatione ædificium Civitatis consummasse, quo eos sub jugo seruitutis continere posset. Praefecturas Berna sub se habet tam Germanicas, quam Gallicas, inter quas *Laufanna* Civitas Episcopalis. Situm habet mirabilem; occupat enim duos oppositos colles & intermedium vallem. Cathedralis ecclesia & Canonicorum ædes tenent collem Septentrionalem, & ex opposito colle Meridiano patet descensus magnus ad Lacum usque. Forensis vero locus est in convalle. A morte Caroli ducis Burgundia, redempta a Principibus Sabaudia *Laufanna*